


393923 III

Biblioteka Jagiellońska



stdr0005404



E XXVI 2/11 [Raski Jan] 22.2.64
T Y P V S
REGIÆ FELICITATIS
Pace Gloria & Coniugio

SERENISSIMORUM
PRINCIPVM

VLADISLAI IV

Poloniæ & Sueciæ Regis

Inuictissimi, &c. &c. &c.

ET

LVDOVICÆ

MARIÆ GONZAGÆ,

Cluiæ & Niuerniæ Ducis, Principis
Mantuaë & Montisferrati.

D V M

IN POLONIÆ & SVECIE
REGINAM,

RITV SOLENNI INAVGVRARETVR.

P E R

Vladislaides Musas submissæ Vene-
rationis ergo

AD V M B R A T V S

D. D. D.

CRAC: TYPIS PIATKOWIANIS A. D. 1646. Iul. 15.

Ad Illustrēm & Reuerendiss: Dominum,
D. I O A N N E M
G E M B I C K I,
 SECRETARIVM REGNI MAIOREM,
 Decanum Cracouiē. Præpositum Mie-
 chouien. Generalem. &c. &c.

IN publica hac Poloniarum lætitia, debuit Tuum quoq; hic in-
 sidere Nomen, quod Secretioribus Regni curis consecratum,
 nobis ad Sacra Regiæ Maiestatis Aures iter sternit; Illustr. &
 Rndissime Domine. Admiratio tantæ Pacis, Gloriæq; Ampli-
 tudo, hoc præsertim Connubij Nexu fortunata, cui tandem im-
 perare possit silentium? cui vt olim ex Nodo Gordio, non lice-
 at augurari Felicitatem? aut quis in aduentum huius Alexandri
 Orpheus non sudaret? Neque verò tenui Camæna ego profana-
 re Regis Optimi facilitatem præsumebam, ne lætæ Maiestatis ac-
 cusarer, sed cum me quoq; Vatem fecerint Vladislades meæ, æ-
 ternis Serenissimi mancipatę beneficijs, nolui committere,
 quin velut Anser, inter olores adstreperere saltem; vel ad ampli-
 ma aliarum Gratulationum Congyaria, volam Aquæ Hyppocre-
 nę, quasi ipse semipaganus, ad sacra vatū carmen asserrem no-
 strum. Permites igitur Reuerendiss: Domine, & nostrę tenuitas
 ti, si quid peccatum est, condonabis: Vladislavorum & Gembicki-
 orum nomina nobis Numina sunt, hæc, si desit facultas, gratā vo-
 luntate venerari libet; ad quod illa Tua, quam vel ignotis præsta-
 re soles, Humanitas nos inuitauit. Deus interim, O. M. Regno;
 Te, huic & Academiæ incolumem, seruet, & emeritis Honori-
 bus adaugeat, vt nouę Tuę Felicitati gratulabundi, quā citissime
 deseruire possimus. Ita voueo & opto.

Illustriss, & Reuerendiss. T. D.

deuotissimus,

M. Ioannes Racki,
 Rhetoricæ Collegij Vladislauiani
 Professor.



393 929 III

VATES.

Absiste *Vulgus*, nil tenuem inuat
Inflare buxum. Te speciosius
O *Phæbe* cum plaudente *Cyrrha*
Magna modis simulare miris
Reposcit orbis. Regificis, ohe
Descende cælis *Calliope*, licet,
Seu voce nunc manus acuta
Seu fidibus *Cytharæ*ue *Phæbi*.
Subter *Poloni* marginē *Vistulæ*
Inusitata vocis amenior
Intende *Vates*. quam velimis
Sol *Oriens*, moriensq; terris
Vel quam remotas *Auster* in *Insulas*
Ad usq, *Thulen* miserit; euolans
Volentis audiri sonabis
Lechiacæ decori alta laudis.
Auditis? Io *Calituum* micant
Audita *Septem Castra Trionibus*;
Ter hinc *Chorearum* ter inde
Intremuit *Iouis Aula* plausu.
Fælicitatis mater & otij
Huc inuidendo fædere nobilis
Pax alma risit: risit ingens
Fama. redux *Hymeneus* utramq;
Indissoluti *Carminis* vinculi
Coniunxit, ohe! quin generosius
Nos rite *Duorum phalanges*
Cominus excipimus *Triumpho*.

*Adeste Diuæ Sarmatici incola
 Diuæ Trionis: ite fauentibus
 Fatis, superuentura fausto
 Sacula deproperate fluxu.
 Hinc illa centum vocibus, & sacro
 Petita centum Vatibus ambitui
 Arctoa Terrarum beatrix
 Regna per & populos feretur
 Regina Virtus. ô bene Faustitas
 Secura pacis rura tuebere,
 O meta Votorum! ô Polona
 Gloria præsidiumque Gentis!
 Io Trumphe: tum populariter
 Ridebit Echo. qua medius liquor
 Secernit Europen ab Afro
 Quæ refluius rigat arua Nilus.
 Io trumphe! Lechiacæ diu
 Gratentur oræ Pacis adoreas,
 Plaudantq; ringanturq; vasta
 Americes Asiæq; regna.
 At tu Paterni non sine Numine
 Seruator Orbis Maxime, Maxime
 REX ipse Regnatorq; Regum
 Et Patriæ pretiosus author
 Felicitatis. Viue Tuum super
 Polum, videri lenis, & ætheris
 Sublimis Hospes. Vota Mundi
 Nos solito renouamus ausu.*

REGNA VLADISLAE REX,
 Inui-

Inuictiss. regna feliciter & diutissime; Serenissime
me Coniugis Voto, Securitatique; huius publi-
cæ authoramento obligatus. Nimis equidem
Bonis Ausibus Regni Tui auspicia consecrata
fuerunt, lustrata, expiata omnia: dictum Fe-
liciter, & applausum est; ex quo tantam Tui
Sarmatæ sentiunt in se deriuari felicitatem.
Sceptrumne an Fulmen verius Regnatricis illa
Iouis Lechiq; volucris Tibi inaugurauerit, du-
bites non immerito. Certe in ardore bello-
rum, hæc pacati orbis mutuatio, dexteræ ex-
cellsi, Tuæq; diuinæ Virtuti tribuenda est.
Non contagione aliqua frementis vicini Mar-
tis infici vel affici Poloniam, nulla antiquitas
crederet Monarchæ, quantumuis Magni vel
Maximi opus; nisi homine, quidpiam maius,
Numen recogitet VLADISLAVM. Pridē
mundus erubescit, ita pollutus sanguine, ut
vix nomen retineat. pridē vel in sanguine Au-
gusto desiderat Augustos! Dijs certe, quos
mirando prisca fecerant sæcula, nusquam tā-
ti stetit victoria, nusquam in superis eorum v-
bi beati æuo fruuntur sempiterno, tantæ pa-
cis Visio apparuit, quin vel e terris Gygantum
terrore, vel ciuilibus quandoq; diffidijs arma-
ri mutuò cogerentur. In Vrbe Orbis, rerum

Domini, gensq; Imperii Togata quoties Sagū
rapere, vel in media pace debuit? quoties fo-
ris hostem non sentiens, domi inuenit, vt pro
felicitate pugnaret? Adeo nullæ Ciuitates ma-
gnæ, Respublicæque nullæ diu quiescere pos-
sunt. hæc misera Regnorum conditio fuit,
bellis pacem pacisci. Infelix eo nomine
Vrbs, cui Octo illi somniati Cursus vix sæculis
septem distinctis, integritatis florem attule-
rint. Felix Polonia, quæ interuallum illud,
qui numerus fere omnium nodus est; felici-
ter transegerit. Fatorum etiam arcana mo-
uere & scitari libet! eunte quippe in præceps
imperio, danteq; exitu suo varijs Regnis initia
nascendi, melioribus quam Vulturum, nidifi-
cantis Aquilæ auspicijs, caput Lechia extule-
rat. Hinc illi bellorum fulmina Septemtri-
onis Sarmatici bellatores. hinc, barbariæ do-
mitores Iagelonidæ. Fama etiam super æ-
thera noti Tonantes Poloniæ, qua bellis ful-
minum hæredem Aquilam, qua pacis alumna
Cererem præferentes. Neque vero Septē-
trionalis tantum Mars, aut furens Hercules
ad arma cessantes ad arma Lechiadas concit-
tat, Musagetē illū nobis fuisse sæcula demōstra-
runt: Licet extra sydera tellus placet tamen
sua Lechia Phæbo, quem decennouennalis
Cyclus

Cyclus hæcenus Hyperboreis reducebat, (in-
uideat licet Metiochus) Huic & Musis domi-
cilium columnasq; extruxit Sapientia. Quid
ultra? Venimus ad summum Fortunæ: nulla
usquā Ornamenta imperij vidit ætas, & nus-
quam Poloniæ maior magnitudo! quam sub
Rege, cui Virtus, Fama, Laus Gloria, Orbis
amor, diuina atq; humana omnia, tributario
iure famulantur. Nunc demum intellexit
Orbis terrarum VLADISLAO REGNATORI;
Quartò, post hominum memoriam Ianum
bellis occludere; in fatis fuisse, illi hoc omen
in nomine sua fata seruarunt: vt feliciori lon-
gè auspicio, quam tres illi Pacificatores, bel-
la & furorem impium, intus sæua super arma
sedentem; clausisset. Enimvero ne omne il-
lud, an omen: trinum perfectum crederemus,
florem alioquin suæ Romæ ementiens Enco-
mastes; Peracto bello (ait) secuta est bre-
uis sanè, ad recipiendum quasi spiritum re-
quies, argumentumq; Pacis, & bona fide ces-
santium Armorum, clausa Porta, quæ statim
ac sine mora patuit. Extremæ quoq; pacis
eius pretium, an non Triumvirali excidio ste-
tit? quis non illorum sanguine pinguior cam-
pus? qui gurgēs, aut quæ flumina lugubris bel-
li ignara non testantur? quàmuis ex illis or-
bis

bis vix enatans angustijs Augustos adorauit.
Primo certè Rex Inuictissime Tibi, quartò
claudenda bellis Porta debebatur, vt potè qui
quadam fatorum industriâ gubernante, fero-
ces superstitione populos, velut ille Tuus, tam
Poloniæ, quam Romæ secundus Rex, metu
Deorum mitigares. Ob hæc tanta tamque
ingentia facta, num vſitato I A G E L L O N V M
more ſubſcribi ſtatuis, & dici Patriæ Pater, an
dū etiā Terras incolis, ſancti ori nomine Augu-
ſtus conſecrari deberes, de liberat etiamnum
Orbis, nec in tantis bellorum tumultibus ſeſe
corrigere poteſt, quin obſtupelſcat. Prò
Deum immortalē? quæ bella exauſta cane-
bat Europa, quanta ruinarum ruinâ, quantis
exercituum inferijs, aſſiduò Paci litabat vt ve-
niret. Haud facile deprehendi poteſt quis ille
infelix Cadmus, genimina viperarum, ferali
manu per terras diſperſerit, quiſnam ille ve-
nena Colchica, quis dentatos homines, ſu-
perſeminauerit inimicus. Odioſa circum-
quaq; bellorum monotefſera Mars & mors
per ſtrepunt, nec viciffe ſufficit ad victoriam,
nec vinci ad belli exitum, ex ipsis mortibus
Viri ferrei enaſcuntur, quòquò aciem oculi
conuerteris (heu Sæculi infamiam!) velut hy-
dræ capita, per damna, per cædes, ab ipſo fer-
ro, o-

ro, opes animolq; deducunt. Verumenim
 uerò, iuxta hæc apposita Polonia, melius elu-
 cescunt. Felices & iterum felices sua si bona
 norint Lechiadas! Quæ fortassis vltima cæ-
 lestum terras Europæ reliquerat, in has insu-
 las Sarmatiæ fortunatas Pax deportatur. Fe-
 lix iterum Polonia, in qua sub Clæpeo Regis
 Inuictissimi, tam diu pacis negotium succe-
 dit. Ter Augustus VLADISLAVS, quo mû-
 di Caduceatore, nouo potentia prodigio, Ia-
 nus in suo templo, captius fulminum hære-
 di Aquilæ Aquilonis clauus credidit, portam-
 que resignauit. Musæ VLADISLAIDES gratu-
 labundæ, Sui, & Pacis tantæ excitatori VL A-
 DISLAO, pro Sponsali Serto Laureas; Ciui-
 cas Murales; Obsidionales, Vallares. ad Æ-
 dem Pacis offerendo, æternum obligati in
 Regem Inuictissimum affectus: affigunt hoc
 metrum.

*Quæ Tibi quæ tali demus pro munere dona?
 Quâ cæli vis parte tuos fulgere labores
 Alcides Lechix! iuuat immemorata ferentem
 Cælitibus terrisq; legi, manibusq; teneri.
 Posteritas admittite fidem! miraberis olim
 Sanguineos inter populos, bellig. cruores
 Luctus ubiq; & ubiq; pavor, feralis Enyo
 Scuit, & à nullo reuocatur Cardine ferrum,
 Sola polos æquans, cognata Polonia, sola*

*Luctantes ventos tempestatesque sonorus
Bellorum, mediâ tranquillans Pace serenat!*

*Inuenit spes nostra viâ. PLVS dicimus ULTRA!
Qua surgunt rutilique cadunt Hyperionis ignes
Lechiadum setollit honos. Ab ipsa laborat
Gloria: non vnus nobis quoque sufficit Orbis.
Vicimus, erigimur, facili iam copia mundi
Nullus ab hoste timor. Ligeris tû Sequana plau-
Orbis iter quo fama vehit nomēq; decusq; (dun:*

*Anne humiles repetūt caelestia Numina tad as?
Perq; hominum gaudent iterum consortia sumi
Fre Ioues, Lechicaque patent lunonibus aula?
In quorum nutus animus concordibus ultro
Conspirauerunt Cæli. Terræque Fauores!*

*Europa prælustre iubar VLADSLAE gementis
Dijs genite & geniture Deos, iure omnia bella
Gente Jagellonica teri is regnante satiscunt:
Tu Patriæ decus omne: solo tu maximus Atlas
Tu trepidos olim validis ceruicibus axes;
Nutantesque polos audax impune tulisti
Ter Te Lechiacis creunt reuerentia Sceptra,
Ter Te de terris fugiens Astræa, recurrit,
Per Te creunt honos Altaribus, impia per Te
Hæresis excessit, per Te redit aurea mundi
Progenies. Per Te redeunt Saturnia sæcla
Et quibus, inferius paribus concurrere Votis
Nomen, & à nullo reperit Fortuna metallo.
Victor lo: bellator lo: REX maxime Regum
Aternos grato retine sub pectore Fastos.*

Parum

Parum erat puræ Pacis limitibus, Poloniæ
Tuæ definire felicitatem, Rex Potentissime:
pacis equidem dulce nomen est, & rem ipsam
tum iucundam tum salutarem cognōras, quā
non modo ij, quibus sensum natura dedit, sed
bruta etiam, atq; agri lætari videntur. Cæ-
terum pace suspecta, tutius bellum semper fu-
isse, quid ni tacitus ille licet, nomine tenus,
arma inclamaret? prædiceret? Pax ne illa tā-
dem an pactio Seruitutis est, quam cruentis
redemptam funeribus feriunt, corrigentes
Europæi! Eāne pace populorum excidio par-
tā Sarmatæ Tui perfruuntur? Num Creme-
re fluuium, vel longè sonantem ad Cannas Au-
fidum, an Caudinam Veterum pactionem, no-
stræ pacis Mnemosynon faciemus? Deum bo-
num! sanguinis Humani plerumq; diluuiο sub-
mergi, & dehiscere bella audiuius, nonnū-
quam, vbi gentium solitudinem, fecerint, pa-
cem tandem vel ex Mortibus ortam appellari
scimus: at cum redibit ad fastos memoria, &
fulgor hic, præstringens vicinæ oculos inui-
dię, superabit: tunc serio meliore iudicio, po-
steritas discet pacis nostræ pretium æstima-
re. Silent etiam num hostes Poloniæ, silent:
sed quo magis silent magis loquuntur. Quid
plura? Fama orbis Vladislauiani Nominis pe-
disse-

dissequa, secundo Elogio; hanc Pacem adeo
deprædicat armatam: ut nullis vnquam retro-
actis sæculorum sat fumosis imaginibus inū-
bretur. Authoritas Regis anima Regni! Quid-
quid agere arma destinarent, agit prius Maie-
stas armorum, prius omnes bellorum tempe-
states differenat, quippe quæ tantum inclaru-
it, ut sola Orbis bello fessi asylum sit, ut à nulla
potentia vinci par, vel superari posse videat-
ur. Adscribant pleriq; principum Palatijs
domesticam versatilem Fortunam: adopti-
uos se Deæ istius glorientur. Pullos Seruij, Ob-
sequentis & Primigeniæ ostentent. Multi Syl-
læ felices, multi Pompeij triumphatores,
Metelli multi beatulos sese iactitēt: plurimum
his locorum opportunitas, maris & terræ au-
xilia, plurimum solidæ laudis detrahunt, ma-
ximam verò rei gestæ partem, quasi iure suo
fortuna cæcutiens sibi vendicat, & in socie-
tatem gloriæ, inuitis se offert. At gloriosissi-
mus Bellator noster, sui laboris opus Fortunā
profitetur. Alienos crederet Triumphos, ad
quos sola eius felicitas ius haberet, manu ubi-
que eā promouet, Fortunāq; nō nisi cognominē
suæ Fortitudini probat, demonstrat. Parce
metu Polonia Regem VLADISLAVM & fortu-
nam eius pro Cæsare vehis! lam cuncta terra-
rum

rum subacta (acclamabat illi Victoriæ anti-
quitas) atrocem animum Catonis, inuidit
gloriæ illius Fama. Nunc verò; orbis iudi-
cio; Mars ille Laconum in vinculis; ne fugeret
an spes Niki; Atheniē sium; ne avolaret, Fortuna
vilcata Imperij, an non cum Latio & Acade-
mia, spretis, vt quondam Athenis commigrâ-
runt? an non beneficentissimo huic Victori
cuperent ipsi seruire Catones? Neq; verò e-
xaggerabitur Famæ magnitudo, quâ Maximus
Rex impleuit vniuersum. Hæc Principis
Optimi Sors eualuit vt linguis omnium ce-
lebretur: illi insatiabiliter parata prospera sui
memoria calamos & ora cunctorum fatiga-
uit, illaq; tandem extorta est summa laus, cō-
munis Scribentium confessio; plus VLADISLA-
VM egisse, quam se per censere numerando
posse sperarent. Quid ni etiam despera-
rent? Non si (vt vatibus, hic mos est) non
inquam si linguæ cētum, Oraq; centum ac fer-
rea vox adesset; æculi sui delicias VLADISLAVM
ex dignitate immortalitati consecrarent. Æ-
ternitatis alicuius arrhabonem mirabitur post
posteritas, à teneris vnguiculis Adolescentiam
Regis, ad Spes immensas succrescentem, in
Magno statim Moschouiæ Titulo pueriliter
præluisse, Iuuentutem in minuendis Otho-
mani-

manici Cæli cornibus desudasse. Quid iterū
Moschi, vel merſi ſanguine, vel clementi ſer-
uati Victoria? Quid Pruſſia liberata? Quid
Tartari? ferreis edomiti minis, an non victo-
riſſimum Regis & ſuæ Poloniæ nomen fa-
ma commemorabunt? Difficile dictu eſt
quam Martis olim bellorumq; ſedes Sarmatia,
ægide quadam nunc Togati Principis tegat-
ur: cuius vel aſpectu, ſolo in metum lapidi-
ſcere hoſtes, vel contactu, quaſi Aræ Apollinis
profanata, Nemefi quadam vindicante depri-
mi; neceſſe ſit. Quo circa de felicitate, vt
de poteſtate Dei, timide & pauca dicentur.
Eſt illud quiddam ſummis Heroibus, ad am-
plitudinem & gloriam connatum; eſt ad res
magnas bene feliciterq; gerendas diuinitus
adiuncta fortuna, quam de ſe quidem ipſo
præſtare raro, commemorare de altero cui-
uis licet, cum libet. Fauebunt benigna Fa-
ta, huic diutiùs felicitati, & ſemel exploran-
do, an Polona virtus Martis & Togæ imperi-
um mereatur; procurrentis Famæ curſum non
ſupprimant. Equidem vt dicatur, quod ru-
mores omnium coniiciunt, virtuti & Fortu-
næ certantibus, hæc Poloniarum amplifica-
tio lite ſuſpenſâ conceditur. Hæc nupèr (vt
ille ait) Perſis & Aſſyrijs deſertis, cum leuiter
præter-

uolasset Macedoniam, Carthaginem sæpenu-
merò digressa fuit: tandem transmissa Tybe-
ri ad Palatium appropinquans, alas deposuit,
talaria exuit, atq; ita Romam intrauerat, quasi
mansura perpetuò; Certe nunc recta ex ori-
ente, in occasum, omnis splendoris peruaga-
ta: & exhinc ad Septemtrionem nostrum di-
uertens, in Polonia tandem orbis periodo sedē
sibi collocauit. Pinxerit eam Bupalus Polum
in capite erecto ferentem, Pindarus ipse, vel
quis quis Pindarum studet æmulari ΦΕΡΕΠΟΛΟΝ
Fortunam; vt ferētem Poloniam deprædicet:
Hæc Optimi Principis nostri merces est, Fortu-
nam & Famam nomini suo vectigalem regere
arbitrio Hic illud Capitoll immobile saxum;
ego quoq; futurum velut anser inter olores o-
ni in labor. Atq; vt hæc omnia secūdet auspex De-
us, magis, quam ad Camilli quondam Famæ.
& ominis Poloni templa, mearum VLADI-
SLAIDVM carmen affigo.

Ibit Lechai maximum Sceptri iubar,

Quo terra crescit porrigi,

Ibit Liburnis inter alta nauum,

Interq; siderum vias,

Beatus ille, qui procul negotiis

Ciues Laresq; fert suos.

Siccine Poloni: maximum Regnum, Soli

Vt prisca gens mortalium,

Ducunt

Ducunt fremente Gloria dies suos;

Nulla metuentes tristitia?

O erudita Temporum tradux, feres

Quæ sita multis Gloria?

Dices per omnes orbis olim cardines

Atq; per inaccessas plagas!

Sonante buxo nec tumentibus labris

Arctoa dices sæcula.

Quid noster ille parturit polus; quid est

Mundi sequester angulus

Vt sempiterni vere Maij cingitur!

Vt iure cælos æmulus

Æquavit; omnes aureis Lauros comis

Ferace proferens solo?

Polonus (eheu exteri negabitis)

Immancipatus Gloria;

Nec excitatur Classico miles truci

Nec horret inatum mare

Paterna rura bobus exercet suis

Mesurus agris Laureas!

Io triumphe! Magne Rex, horum omnium;

Author quietis Lechicæ,

Io triumphe; nec Jugurthino parem

Bello reportasti ducem,

Neq; Africano, cui super Carthaginem

Virtus sepulchrum condidit.

Sero Deorum Sydus illuce Polo;

DIV POLONIS GLORIA.

Pacem quoq; internam pactisq; Hymenæ-
os in partē felicitatis assumere libuit Optime
Rex

Rex, quos dubitaretur utiq; nūcupari posse Felices, nisi secundos videremus. Exhorruimus fateor, ineluctabilem fati violentiam: cū grassante nuper Libythina, renatam Sarmatiæ felicitatem, è theatro orbis Christiani conuolutam, in ictu quasi oculi, à nobis abire conspeximus! O diem illum mæstissimum! O spes mortalium fallaces! quæ Regni huius orbitatem conspexistis. Videbamus equidē supra mortalitatis leges exempti, meliori vitæ conditione in Domino nobis renati fuisse: quod ipsum *Deposito Mortalitatis* peracto postmodum testabamur. Licitari & litigare cum superis placebat, fidem quasi eorum implorando, tamdiu, donec veluti ex syngrapha debiti Reos Cælites, ad secunda Vota pro nobis iteranda transiisse videremus. Ecce verò gens super cælestis minimè fallax, promissi fidem præstitit: ne vel in quadrantem minimum, nobis obligati tenerentur. nobis Patronam: Regi Optimo Throni & sceptri consortem, Regno Reginam, etiam aliquid de suo dementes prouiderunt. At qualem Reginam? Dij Boni! hoc tantum ad plenum Felicitatis Europæ cumulum defuerat, ut expectatâ ludorum vice poli & Polonitholi cognominem; submissa Maiestate; Reginam Spectaremus! Age verò Serenif-

renissima LVDOVICA MARIA, quæ Tua
mens? quæ cogitatio animum occupauit? nõ
ne Cælorum Reginam ineffabilem, iubentem
se appellari Reginā Poloniæ audiueras! Audie-
ras & fama fuit, sed tela inter Martia illius ora-
culi miraculiq; fidem exoleuisse arbitra-
bantur & inuidebant vniuersi, quoadusq; fatis no-
uorum sæculorum texturam ordientibus, mu-
tuone Cælitū ludo, vicene Reginalis agnominis
iocosa, spes & vota cælitum compleretur. Gra-
tissimo iam iam celeres otio vento sobruat Ne-
reus Balthicus, Fluuiorum pater, hic vistula
noster campos per omnes spatietur: vt bona
canata auspicia, VLADISLAVDVM choro nobis in
verba præeunte. Bonā ducis aui Domum, O-
ptime Rex, Diuis propitijs Reginalem Polonię
Thronum obfirmas, Te multo recreat Gallia
comite, coniurata Tuis plaudere Nuptijs, &
Regno per Te, per Te inquam florentissimo.
Nescio quis felix Paranympheus, orbis Sarma-
tici fata, & populorum suffragia, in eam pelle-
xit Domum: vbi quasi dote publicā viri viris,
& Regna Regnis, in amorū armorumq; soci-
etatem coniunguntur, ad Europæ tranquilla-
tem & Asiaticæ barbariæ vim sarcendam.
Quid ni hoc iam sperare liceat? Nobis res &
exempla pro Augurijs sunt, Palæstinæ & Vala-
chiæ

chiæ Bella militant, hinc vindicatam, ibi recuperatam Crucis victoriam, vel hoc solo signo duobus Regnis potentissimis accedente, Mars nupturiens spondet posse iterari. Nam quid ego Serenissima Poloniæ & Sueciæ Regina sacri bellistius Gallico Lechicam societatem exaggerem? Non Stephanos ego Godefridis, non Carolis Vladislaos faciam paralellos: quos Orbis Christiani delicias, & Turcarum exitum, in hac cōmuni Europæ desidiâ, Fama depredicat gloriosè. Murus & Antemurale Christianitatis contra Machometanorum barbariem Polonia est. Conrados, Ludouicos, Bullionios, Priscorum vidit, & suspexit ætas, Orbis propugnatores, Carolum verò Niuerniæ Principem bellicosissimum, Sacræ illius Militiæ Ordinis authorem primarium, Tuum, Tuum inquam progenitorem; an non ad extinguendos Asiæ ardores, & Othomanicæ Lunæ Eclypsim, nobis Superi prouidissent, si (ut erat in fatis) ex illis regionibus pro Castore Pollicem cepissemus. Quos nobis è Saracenis triumphos, quæ Trophæa, quæ opima spolia attulisset ille Zelus, illa communis boni propagatrix vis, illud infractum in Machometis impietate euertenda, animi robur & magnitudo? Sed irreuocabile illud factum frustra requi-

requirimus: quod Patri fata destinârant, in Te
nobis retributum admiramur. DEVS præ-
potens suiq; non immemor gregis pro Patribus
luis, natos nobis Filios rependit: vt constitu-
at eos Principes super nostram terram. Ora-
mus superi & flagitamus vnanimis: vt nouis
Auibus, nouisq; ominibus Regno huic Septem-
tionis, ad euertendam potentiam Turcarum
fatali, hanc Christianissimi cætus coniunctio-
nem auspicatam concedatis. Leonum terris
imperium, & Aquilarum ætheris Regnum, in
aues vagas & Asiæ Harpyias, experti, fideles
vobis & Ecclesiæ protectores, tribuite. Nos
nec fatorum indultiam aberrare, nec cælos
fallere posse credentes, nouo ad nos conuolâ-
tium Aquilarum Leonumq; ostento id sperare
audemus: dum primæuâ veluti Poloniæ instau-
ratione melius auspicijs Gnelnensibus in Le-
chicum nidum nos superextrui aduertimus.

*Eheu quo Cytharæ comes
Ferox: pone Tyram pone Borysthenis
Ripas, trans Mareotici,
Quò me Phæberapis, littoris accolas?
Hic hic deme humeris leues
Plumas, Carpathiis hic ego pendulas
Saxis stare volo notas:
Quas fædus faciles rumpere Bistones
Campestresq; magis Scythæ,
Quas Balthim profugæ Nereides legant.*

Hic

*Hic, ex quo Volucres novas,
 Antiqui auspicii nobilior Remi
 Auspex Sarmata conspicit;
 Ex quo plus Gothicis nostra Leonibus
 Splendent arma Polonia
 Expecten? fieri in praelia victima!
 His his fulmineum breui
 Venturum Laribus, cernis acinacem
 His pro Lechiadum focus,
 Custos excubias duplus agit Leo.
 Orbis Fortia comprimen?
 Ergo precipites cedit barbari,
 Quo fugax rapit impetus,
 Hostiles fugite & cedit Barbari*

EX HELICONE SAR- MATICO

Sacrae Reginali Maieſtati; Vladi-
 ſlaides offerunt publicæ Alacritatis
 & Lætitiæ Manipulum.

— — — Hinc Tibi Copia
 Manabit ad plenum benigno
 Ruris, Honorum, opulenta Cornu, *Horat.*
Etiam iocosa post lachrymas cheli
Risere Musæ. Ducite Gratia
Festas Napæarum choreas
Ambiguos iterare gressus.

Nunc nunc choreis; nunc pede libero
 Pulsanda tellus; nunc Saliaribus
 Lustris coronari Vaelum;
 Saxa per, & virides per algas
 Inuitat ultro tempus, & ultima
 Plausere vastis Acrocerania
 Jugis, & Augustos adorans
 Iulius explicuit maniplos.
 Messiq; gaudens, ut Cerealia
 Conspexit arma: Crescite, crescite
 Exclamat, Obe iam sereno
 Vester honos adoleuit ostro!
 Tulchro ligantur federe, stemmata,
 Surgunt Polonis accepta noualibus:
 Jam iam Triumphalem trophaeis
 Lechia Ruricolam salutat.
 Tum laeta passim iugera Regio
 Coram Maniplo assurgere gestiunt
 Plausu coronatura herilem
 Pro Phario Domini Manipulum.
 Laetaq; tandem, Pierides suo
 Dixere Phaebo: currite saecula
 Vis nulla: non feralis Arctos
 Non metat hos Lachesis maniplos.
 Quousq; nostris praeses habebitur
 Regina terris. Ludite ludite
 Perennis aeternum fruatur
 Obsequiis LUDOVICI Vestris

Andreas Sierakowski
 Stud: Dialect.

LE CHI A D E S

Serenissimæ Reginae Liliis attexunt
CORONAS.

----Prima Virentem

Detulit ex Helicone perenni flore Coronam. Lucretius
lib. 1.

Diffugere niues, redierunt gramina Campis
Sarmatiaeq; Corona;
Mutat terra vices, & decrescentia ripis
Flumina gratificantur :

Heroïna Tuo quodcunq; affulseris Ore
Vbere Gratia cornu

Implet agros, Villas recreat : mapalia surgunt
Fertilitate MARIAE.

Qualis vbi Rhodiis nata est Dea Pallas in oris,
Ohe ! risit Apollo.

Tunc bona Calliope aspexit, tunc æthere ab alto
Obryzum depluit Aurum.

Exoriare aliquis nostra de plebe Deaster
Nostræ Palladi honores

Deproperans, Adamante nouo Viridiq; smaragdo
Qui Diadema reportet.

Vel Iagellonica facies de messe Coronam
Cæli Astræa Poloni.

Fallor ! iam plenæ radiauit imagine Lunæ !
Partice prata Coronis.

Michael Zolkiewski Stud. Rhet.

A P O L L O

In Coronis Serenissimæ Reginae æternitatem
pollicetur.

Nescite nunc lata candentia fila sorores
Nescite nemo modum transmissi computet aui
Hic vitæ Natalis erit

Statius lib. 1. Syluæ

F

Sunt

Sunt & mearum non vacua mihi
Laudum pharetra. Porge reconditum
Enube Verticem, Polonis
Teste polo LVDOVICA; regnis.

Quisquamne prisca fuisse adorea
Quisquam paratus vivere, pulchrius
Incepit! O Sacrum corona
Cresce meis Diadema Votis!

Maiore quondam quæ memorant tuba
Serinepotes: Te mihi BARBARAM
SISMVNDVS, & Te Rex DABROWCAM,
Auspicio meliore; Per Te

PVDICVS alter, Te sibi Coniugem
Elegit eius floris, ut HEDVIGIM,
Terite VLADISLAVS alter,
Tu CVNEGVNDA meis secunda

Dicere Musis. Ergo Perennibus
Inscribo Saxi: Hoc anathemate
Obligata VIVE, sacra ludens
Lude vices. LVDOVICA, lude.

Constantinus Kuczewski, Stud. Poeseos.

VIVE FORTVNATISSIMA VIVE
ET REGNA IN PACE IN IDIPSVM.
AD TOGAM, TENOSTER HYMENEVS INVITAVIT.
VT IN LIMINE STATIMEDICAS
CEDANT ARMA TOGÆ.

GLORIAETHONORE SARMATIE CORONARIS;
VT EIVS FAMAM & SECVKITATEM CVSTODIAS.
VERE REGINA VERE MATER
QVÆ, RENASCENTEM MANIPVLVM TENES;
QVIA PASCERE DECREVISTI.

AGGREDERE IAM FÆLIX FAVSTVMQ. IMPERIVM.
IAM THRONVM REGINA CAPESSE.
ET SIS BENEDICTA DOMINI,
VT IN NOMINE TVO BENEDICANTVR GENTES.

*Impensis ex Fundatione Generosi ac Magnifici D.
BARTHOLOMÆI NOWODWORSKI Equi-
tis Meliten: Commend: Posnan:*



